

Observando streanan

Ami lo bai i proklama e segunda binida di Kristu!



3 Promé Sabat

E Speransa di siglonan

Ted NC Wilson

6 Djadumingu

Mi No Tin Man Ku'n ta Esu'n Di Bo

John Bradshaw

8 Djaluna

E Mishon

John Bradshaw

10 Djamars

E Espera Largu

John Bradshaw

12 Djárason

Okupá

John Bradshaw

16 Djaweps

Protehá Loke Ta Mas Importante

John Bradshaw

18 Djabièrnè

Honestidat ta miho a largo plaso

John Bradshaw

20 Di Dos Sabat

Despeus di E Segunda Binida

Ellen G. White



E Segundo Binida di Kristu ta un di e prinsipionan sentral di Atventista di Shete Dia. E ta asta parti di nos nòmber. Ku esaki, nos ta proklamá nos speransa den e regreso di Kristu.

Fe den e Segundo Binida di Kristu tabata e speransa di kristiannan atraves di siglonan. E tin un fundeshi firme den Skritura.

Hesus a instruí su siguidónan: “No laga boso kurason bira intrankil; kere den Dios, kere tambe den Mi. Den kas di Mi Tata tin hopi lugá di biba; si no tabata asina, lo Mi a bisa boso; pasobra Mi ta bai pa prepará un lugá pa boso. I ora Mi bai i prepará un lugá pa boso, lo Mi bin atrobe i risibí boso serka Mi, pa kaminda Ami ta, boso tambe por ta.”

E promesa di su Segundo Binida a wòrdu repetí na e asenshon di Kristu, ora angelnan a puntra su disipelnan: “Pakiko boso ta para wak na shelu? E Hesus aki, Kende a wòrdu tumá for di boso na shelu, lo bolbe di e mesun manera ku boso a mir’E ta bai shelu..”

Esakinan ta djis algun di e hopi promesanan ku nos ta haña den Skritura, sigurando nos ku Hesus lo regresá pronto.

E siman di orashon aki lo bendishoná nos segun ku nos ta enfoká riba e privilegio maravioso di proklamá, “Lo mi bai i proklamá e Segundo Binida di Kristu!”

Durante henter e siman aki, ruman John Bradshaw lo guia nos dor di Skritura den un seri di lesamentunan atraktivo, konsiderando kuidadosamente nos ròl den proklamá e notisia maravioso ei ku Hesus ta biniendo pronto. E lesamentu final di e siman spesial aki di orashon ta tumá for di e eskritonan inspirá di Ellen White.

Ademas di e lekturanan ekselente aki, e siman aki ta, naturalmente, dediká tambe na orashon. Sea bo ta eksperensiando e siman di orashon aki huntu den bo iglesia lokal, den gruponan chikí, ku bo famia, ‘online’, òf asta bo so, laga nos djòin den orashon i supliká otro pa e derame di Spiritu Santu pa nos por kompletá e trabou i bai kas.

Ku Dios bendishoná bo ora bo renobá bo kompromiso ku Señor i bisa, “Lo mi bai i proklamá e Segundo Binida di Kristu!”

Ted N.C. Wilson,

Presidente di e Konferensia General di Atventistanan di Shete Dia



E kontribuidor prinsipal na e lesamentunan di e Siman di Orashon ta John Bradshaw, presidente di It Is Written, un ministerio de evangelisashon via media basá na

Collegedale, Tennessee, Merka. Su programanan a wòrdu filmá riba seis kontinentenan i ta wòrdu mira globalmente i riba It Is Written su mes kanal, It Is Written TV. Pastor Bradshaw a tene mas ku 100 seri evangelístiko den statnan rònt mundu. E ta gradisido di por traha huntu ku un tim dediká di hende komprometé na kompartí e evangelio eterno. E ta kasá ku Melissa, i nan tin dos yu.

John Bradshaw,

Presidente di It Is Written

E SPERANSA DI SIGLONAN

E Segundo
Binida di
Hesus den e
Proklamashon
di e Iglesia

Ted N.C. Wilson

Potrèt: Declan Sun / Unsplash

Susesonan mundial sin presedente ta rekordá nos ku mundu ta kambiando rápidamente. Desasternan natural i kausá pa hende ta intensifikando i birando mas frekuente. E situashon politiko den hopi pais ta birando kasi insolushonabel. Morálnan sosial i kultural ta kai den otro. E ekonomia mundial ta balansando riba un liña hopi fini i por baha den kaos ekonómiko na kualke momento. Movementunan ekuméniko ta kondusí na situashonnan ku ta enkurashá kompromisonan. Nos mester ta semper amistoso i duna ánimo na otro kristiannan i religionnan. Pero, nos mester ta hopi kuidadoso tambe pa no djòin movementunan ekuméniko òf otro gruponan ku ta buska pa neutralisá e kreensianan bíbliko distintivo ku esaki ta hopi stimá Atventistanan di Shete. Manera nos ta mira.

Nos ta mira kosnan signifkante ta pasando tur rònt di nos, i nos sa ku nan ta mustra riba e suseso mas inkreibel, ku ta kambia bida di tur tempu: e Segundo Binida di Hesukristu! Esaki ta e kulminashon di tur loke kreyentenan atraves di e eranan a spera.

Deskribiendo e suseso glorioso aki, profeta Isaías a skirbi: “Anto den e dia ei hende lo bisa: ‘Mira, esaki ta nos Dios, riba Kende nos a spera pa E salba nos. Esaki ta e SEÑOR, riba Kende nos a spera; laga nos regosihá i sea kontentu den Su salbashon!’”¹ I den e Salmonan nos ta lesa: “Nos Dios ta bin i E lo no keda ketu; kandela ta devorá dilanti di djE, i rònt di djE tin tempestad pisá.”²

Durante su tempu riba tera, Hesus a sigurá su disipelnan: “Den kas di Mi Tata tin hopi lugá di biba; si no tabata asina, lo Mi a bisa boso; pasobra Mi ta bai pa prepará un lugá pa boso. I ora Mi bai i prepará un lugá pa boso, lo Mi bin atrobe i risibí boso serka Mi, pa kaminda Ami ta, boso tambe por ta.”³ E ta ripití e promesa aki enfátikamente den Revelashon: “‘Mira, mi ta bini pronto!’ Bendishoná ta esun ku ta warda e profesia di e buki aki”; “Mi ta bini pronto, i mi rekompensa ta huntu ku mi, pa duna kada hende segun su echonan: Ami ta e Alfa i e Omega, e Promé i e Delaster, e Kuminsamentu i e Fin”; “Si, í, Mi ta bin pronto.”⁴

KON PRONTO “PRONTO” TA?

Tòg e pregunta ta surgi: kon lihé ta “pronto”? For di nos perspektiva humano, kualke kos ménos ku inmediato ta slow, i esaki ta spesialmente bèrdat den e mundu di Instagram di awendia.

Atventistanan a bin ta prediká pa mas ku 160 aña ku e regreso di Kristu ta inminente. Esei por parse un

eternidat pa algun hende. Algun a bira desanimá i a pèrdè nan sentido di urgensia tokante e regreso di Kristu. Tòg, esaki ta algu ku mester penetrá den tur aspekto di e bida di Atventistanan di Shete Dia.

Sinembargo, esaki no mester sorprendé nos. Nos ta lesa den e karta di Pedro: “Sabi esaki promé ku tur kos, ku den e último dianan bofonadónan lo bin ku nan bofon, siguiendo nan mes pashonnan, i bisando: ‘Unda e promesa di Su binida ta?’ Nan lo hasi bofon. “E no a primintí di bini? Pasobra desde ku e tatanan a muri, tur kos ta keda meskos ku nan tabata for di prinsipio di kreashon.”⁵

Pedro ta señalá ku e burladónan aki “ta lubidá boluntariamente” ku ta Dios a krea shelu i tera, i ku tabatin un diluvio mundial. Despues e ta atvertí ku un dia tur kos lo wòrdu destruí pa kandela.

Despues e pasashi aki ta sigui, dunando instrukshonnan importante i enkurashamentu na esnan ku ta kere: “Rumannan stimá: ku pa Señor ún dia ta meskos ku mil aña, i mil aña meskos ku ún dia. Señor

no ta tarda ku Su promesa manera algun tin esaki pa tardansa, ma E tin pasenshi pa ku boso, i no kier pa ningun hende bai pèrdí, ma pa tur bin na repentimentu.”⁶

E pasashi aki ta enkurashá nos pa konsiderá ki tipo di hende nos mester ta, pasobra e tera i tur loke ta biba riba dje lo wòrdu destruí: “Kon santu i deboto boso mester ta, boso ku ta sperando ansiosamente e dia di Dios i ta purando su binida! ... Komo ku boso ta sperando esaki ansiosamente, mi rumannan stimá, sea diligente pa E haña boso den pas, sin mancha i sin culpa.”⁷

UN YAMADA IMPORTANTE

Konsiderá kiko nos ta yamá pa hasi: pa keda serka di Señor i pa wòrdu guiá dor di dje miéntras nos ta warda ansiosamente riba su binida.

E Buki di Hebreonan ta enkurashá nos: “No tira boso konfiansa afó, kual tin un gran rekompensa, pasobra boso tin mester di pèrseveransia, pa ora boso a hasi e boluntat di Dios, boso risibí loke a wòrdu primintí” Pasobra e ta bisa: “Pasobra denter di masha poko tempu, ‘Esun ku ta pa bin, lo bin, i lo no tarda, Ma e hustu lo biba pa medio di fe,’ pero tambe: ‘i si e hal’atras, Mi alma no tin plaser den djé.’” Ma nos no ta di esnan ku ta hal’atras pa destrukshon, sino di esnan ku tin fe pa preservashon di e alma. ⁸

Awe ainda e Palabra di Dios ta papia ku nos. No laga niun hende kita boso di e speransa di e yegada pronto di Hesukristu. E ta bin pronto!

PREDIKANDO E MENSAHE

E kondishonnan ku ta deteriora den e mundu di awe mester lanta nos for di soño ku nos mester prepara nos mes urgentemente. Nos enkargo ta pa proklamá e

**KON LIHÉ TA
“PRONTO”?
FOR DI NOS
PERSPEKTIVA
HUMANO,
KUALKE KOS
MÉNOS KU
INMEDIATO
TA LENTO, I
ESAKI TA
SPESIAL-
MENTE
BÈRDAT DEN
E MUNDO DI
INSTAGRAM
DI AWENDIA.**

mensahe di e tres angelnan for di Revelashon 14, den preparashon pa e pronto regreso di Kristu.

Algun hende ta inkliná na bisa ku e mensahenan aki ta politikamente inkorekto i ku no ta konsehabel pa predika nan. Sinembargo, e mensahenan di e tres angelnan ta e mensahenan di mas importante ku nos a haña pa kompartí. Nan ta representá nos teologia i nos mishon, i nan ta e motibu di eksistensia di e maravioso remanente di Dios.

Den volúmen 9 di Testimonionan pa Iglesia, nos ta lesa: “Atventistanan di shete dia a wòrdu enkargá spesialmente pa ta vigilantenan i kargadónan di lus den e mundu aki. Na nan a wòrdu konfiá e atvertensia final di un mundu ku ta peresé. ... Na nan a wòrdu konfiá e trabou di mas serio: e proklamashon di e mensahenan di e promé, di dos i di tres angelnan No tin otro trabou ku ta asina importante. Nan no mester laga nada.” kita nan atenshon. 9

E mensahenan poderoso aki pa e tempu di fin ta registrá den Revelashon 14:6-12 i ta dividí den tres parti. E Spiritu di Profesia ta bisa nos ku e promé kreyentenan Atvèntista a proklamá

e promé dos mensahenan. E di tres mensahe lo a ser agregá na e promé dosnan i lo wòrdu proklamá djis promé ku Hesus su regreso. E kombinashon di e tres mensahenan aki ta e yamada final di Dios na e mundu aki pa prepará pa un enkuentro ku Hesus.

Esaki ta e futuro emoshonante pa kua nos ta wòrdu empoderá i ekipá. Pa kompletá e gran obra di Dios dor di proklamá e mensahenan poderoso aki! Nos lo por logra kualke kos solamente si nos dependé kompletamente riba Hesus i e poder di Spiritu Santu! Dios ta preparando kada un di nos pa algu hopi spesial ku ta serka di sosodé: e derame di Spiritu Santu den forma di e último áwaseru aki. Ora nos risibí e regalo spesial aki, Dios lo traha poderosamente pa medio di nos pa yega na henter mundu ku Su mensahe pa e último dlanan. E ora ei e fin lo yega.

KONFIA DEN SEÑOR

Hesus ta biniendo pronto! Nos mester konfia kompletamente den Su gracia i hustisia. Ademas, nos mester ta fiel na Su yamada pa nos. Pedro ta bisa: “Ma e dia di Señor lo bin manera un ladron, den kual e shelunan lo pasa bai ku un boroto inmenso, i e elementonan lo wòrdu destruí ku un calor intenso, i e tera i su obranan lo wòrdu kimá kompletamente.. Komo ku tur e kosnan aki lo wòrdu destruí di e manera aki, ki sorto di hende boso mester ta den un kondukta santu i deboto, sperando i purando e binida di e dia di Dios, pa kual motibu e shelunan lo wòrdu destruí dor di kimamentu, i e elementonan lo dirti di calor intenso.¹⁰

Abo, komo un Atvèntista di Shete Dia, enbèrdat ta buskando fielmente e shelu nobo ei i e tera nobo ei? Bo ta para firme pa e bèrdat bíbliko di Señor i pa e gran proklamashon di Dios di e mensahenan di e tres angelnan for di Revelashon 14? Bo fieldat na Dios ta konosí pa tur hende ku bo topa? Bo ta konvensí ku Dios tin un plan spesial pa Su remanentenan? Nos no ta bisando ku nos ta mas spesial ku kualke otro hende. Nos tur mester di e gracia salvador i misericòrdia di nos Señor. Komo Atvèntistanan di Shete Dia, nos ta wòrdu yamá pa Dios pa proklamá Su mensahe pa e tempu di fin i pa para firme pa e bèrdat, asta ora tur kos kai den otro. E ta yama nos pa ta Su testigunan fiel awe den un mundu sekularisá, materialista, postmoderno.

MIRANDO DILANTI

Pronto nos lo mira un nubia chikitu i skur den shelu parti ost, mas o ménos mitar di e tamaño di un moketa humano. E nubia ei lo sigui bira mas grandi i briante. Sí, henter shelu lo ser bashá den otro pa e punto di mas importante aki den historia di tera. Pa medio di un milager di shelu, tur hende lo por mir’É

simultáneamente. Sintá meimei di miónes di angel, nos lo mira Esun pa ken nos a warda: no komo e lamchi humilde, kibrá, òf komo e sumo saserdote, pero komo e Rei di reinan i Señor di señornan, Hesukristu, nos Salvador! Nos lo wak ariba i bisa: “Esaki ta e Dios riba ken nos a warda.” Kristu lo wak abou i bisa: “Bon hasi, sirbidónan bon i fiel. Drenta den e goso di boso Señor.” E ora ei nos lo subi pa topa ku Señor den laira i bai kas pa ta huntu kunE pa semper!

Dios a primintí di duna bo su poder pa kompletá su obra. E lo derama e áwaseru lat riba su pueblo pa proklamá e mensahe di e tres angelnan i kompletá Su obra komo un iglesia uní. Laga nos dediká nos bida, energia, talentonan, rekursonan, i tempu na kompletá e obra di Dios, pa nos por gana mas tantu hende posibel, solamente pa medio di Su poder. Despues nos por bai kas!

^{1.} Isaías 25:9

^{2.} Salmo 50:3

^{3.} Huan 14:2-3

^{4.} Revelashon 22:7, 12, 20

^{5.} 2 Pedro 3:3-4

^{6.} 2 Pedro 3:8-9

^{7.} 2 Pedro 3:11-14

^{8.} Hebreonan 10:35-39

^{9.} Ellen White, Testimonies for the Church, vol. 9 (Mountain View, Californië: Pacific Press Pub. Assn., 1948), p. 19.

^{10.} 2 Pedro 3:10-13

Mi no tin Man ku'n ta Esun di Bo

Vandalistanan a kibra man di un estatua di Hesus na un misa na San Diego, California. Despues un empleado di misa a pone un bòrchi kaminda outomobilistanan ku tabata pasa por a mir'é. E no tabata kontené ningun kondenashon di esnan responsabel pa e daño. Mas bien, e tabata un mensahe ku a atrae e mundu. E bòrchi tabata bisa, “Mi No Tin Man Ku'n Ta Esun Di Bo.

Djis promé ku Hesus a bandoná nos planeta i subi na shelu, el a bisa su amigunan di mas íntimo: “Boso lo ta mi testigunan na Herusalèm, i na henter Judea i Samaria, i te na e parti mas alehá di mundu”¹ E palabranan aki tabata un riptishon di e palabranan di Hesus den Mateo: “Pesei, bai i hasi tur e nashonnan disipel di Mi, i batisá nan den nòmber di e Tata i di e Yu i di e Spiritu Santu, i siña nan pa kumpli ku tur loke Mi a ordená boso; i mira, Mi ta ku boso semper, te na fin di mundu.”²

E Gran Komishon ta transmití un bèrdat importante. Hesus no tin otro man ku esnan di su siguidónan. Ora el a despedí di su disipelnan, el a konfia nan ku e trabou di alkansa e mundu pèrdí ku e mensahe salvador di e evangelio.

Di e mas ku 8 mil mion hende na mundu, nan ta kalkulá ku ménos ku 2,5 mil mion ta kristian.³ Di e aproksimadamente 5 mil mion i mei ku no ta kristian, hopi nunka no a yega di tende di Hesus òf di e krus. Kon e iglesia den su totalidat, òf e miembro individual di iglesia, por influensia un poblashon asina grandi?

ESNAN PÈRDÍ

Den Lukas 15, Hesus ta konta tres parábola separá pa enkurashá su pueblo pa probechá di e privilegio di kompartí Hesus ku otronan. E parabelnan aki ta similar den naturalesa pero nan ta enfatisá diferente bèrdat.

E yu pèrdí a wòrdu kurá di su egoismo despues di a pèrdè tur loke e tabata pensa ku lo a hasié felis. El a kòrda riba e amor ku el a eksperensia i a regresá kas sin su sèn i su orguyo. E tabata dispuesto tambe pa aseptá e ròl di un trahadó kontratá si esei tabata nifiká ku e lo a reuní ku su tata. E parábola di e yu pèrdí ta siña nos algu importante tokante e kurason di Dios. Un hende por skohe pa bandoná Dios, pero Dios no ta bandoná esnan pèrdí. Miéntas e tabata sinta einan den e kurá di porko, su barika tabata grufia di hamber, pero el a “bin na su mes.”⁴ Esaki a sosodé

ora el a tende e Spiritu di Dios papia na su kurason. E Spiritu Santu ainda ta persigui e pekadó vagabundo, yamando nan pa regresá na e siguridat di e kurason amoroso di Dios. Dios no ta laga esnan pèrdí pa nan kuenta pa buska nan mes kaminda bèk pa kas.

Kontrali na e yu pèrdí, e moneda pèrdí den kas di su doño no a sa ku e tabata pèrdí. E doño a buska i bari te ora ku ela haña su poseshon presioso. E muhe a pèrdè algu di balor su moneda di plata, i e tata a pèrdè un di su yu hòmbèrnan. E otro parábola ei ta konta e historia di un hòmbèr ku a pèrdè solamente 1% di su tou. Kabai tin bia por wòrdu bendí pa miónes i toro i baka tin bia por kosta hopi miles. Sinembargo, un karné promedio no ta partikularmente balioso. Tòg, den e parábola aki di e karné pèrdí, e wardadó di karné ta laga nobenta i nuebe karné atras pa aventurá den e kunuku posibelmente peligroso pa trese solamente un bèk.

Ta un maravia ku e wardadó di karné a asta ripará ku un di su karnénan tabata pèrdí. Ta imposibel pa distingui e diferencia entre shen karné i nobenta i nuebe karné djis dor di wak. Klaramente, e wardadó aki a tene un bista bon riba su tou, i esei ta papia di Dios su amor inmenso pa su yunan rebelde. Dios ta nota ora un di su yunan pèrdè nan kaminda, i e ta sufisiente preokupá pa e yu ei i ta dispuesto pa prepara un mishon di reskate di mas kostoso den historia di universo.

Ellen White ta bisa den *The Desire of Ages*: “Un alma ta di tal balor ku, den komparashon kuné, mundunan ta bira insignifikante.”⁵

Hesus su pregunta na e fariseonan ta e pregunta ku e ta hasi na su iglesia awe: “Si un di boso tin shen karné i pèrdè un, e no ta laga e nobenta i nuebe den desierto i bai buska esun pèrdí te ora e hañ'é?”⁶ Esei tabata un pregunta retórik. Naturalmente, nan lo a bai buska e karné pèrdí ei! Manera Hesus a bisa na un otro okashon: “Awor, kuantu mas un hende bal kompará ku un karné?”⁷

LOKE DIOS TA MIRA

Mi tabata kana banda di mi kas ora mi a tende un batimentu suave riba suela banda di mi. Mi a wak bon i a mira un kriatura chikitu ku tabata parse straño.

Ku puntanan ku tabata parse wowo, i dos antena ku tabata move bai bin. Mi a saka un potrèt i un video di e kriatura manera bichi i a bai kas pa must'é na mi esposa.

Mesora ela bisa, “Unda e ta? Nos mester salb’é! Hiba mi einan awor mes!” El’a kue un baki, kana bai den kaya, kohe esaki i hib’é kas. Despues di un búskeda rápido online, ela deskubrí ku e tabata e bichi di un barbulètè di ‘Eastern Tiger Swallowtail’.

Despues di a prepará un lugá p’e, ela pone e bichi den su habitat nobo. Nos a warda i wak, pero den e dianan ku a sigui, nada no tabata parse di pasa. Sin embargo, algun siman despues, mi a haña un mensahe entusiasma di mi esposa. “Wak!” ela skirbi. Miéntas niun hende no tabata paga tinu, un bunita barbulètè hel-i-pretu a brota. El a habri su alanan den e lus kayente di solo, despues a bula haltu den shelu, rumbo pa un destinashon desconosí.

Mi no a mira nada mas ku un insekto, pero mi esposa a realisá kiko e por ta, i el a keda konmoví ku kompashon pa un kriatura indefenso. Bo no por mira nada mas ku un persona pèrdí, pero Dios ta mira un hende ku por a bira un testigu balente di e bèrdat. Kaminda bo ta mira un hende ku no tin rèspèt pa Beibel, Dios ta mira un potensial maestro di skol di iglesia, un pastor òf un mishonero. Kaminda bo ta mira un alma despreokupá, Dios ta mira un hende ku E por transformá i despues usa pa kompartí e lus di e evangelio ku otronan.

Biones di hende den e mundu aki ku no tin e konosementu salvador di Hesus ta bai nan graf sin Kristu. Nos kompashon ta rekerí pa nos ke alkansá un hende ku e bon notisia di salbashon pa medio di Kristu. Algun hende a mira un hòmber poseí pa demoño, pero

Hesus a mira un mishonero kende, djis despues, “a bai i a kuminsá prediká den henter Dekápolis loke Hesus a hasi p’e.”⁸ Despues di su enkuentro ku Hesus, e muhé

na e pos a kore bai kas komo un evangelista. “Bin, tin un hende ku sa tur kos tokante mi, esaki no ta e Mesias?” ... Den e stat ei hopi samaritano a kere den Dje pa motibu di e testimonio di e muhé: “E sa tur kos di mi.”⁹

“E fin lo yega ora e evangelio aki di e reino lo wòrdu prediká den henter mundu komo un testimonio pa tur nashon.”¹⁰ Hesus ta papiando ku su iglesia awe i ta bisando, “Mi no tin man

UN HENDE POR SKOHE PA BANDONÁ DIOS, PERO DIOS NO TA BANDONÁ ESNAN PÈRDÍ

ku’n ta esun di bo.”

¹ Echonan 1:8

² Mateo 28:19-20

³ Pam Wasserman, “World Population by Religion: A Global Tapestry of Faith,” January 12, 2024. <https://populationeducation.org/world-population-by-religion-a-global-tapestry-of-faith/> Accessed January 21, 2025

⁴ Lucas 15:17

⁵ Ellen White, *The Desire of Ages*, p.577

⁶ Lukas 15:4

⁷ Mateo 12:12

⁸ Marko 5:20

⁹ Huan 4:29, 39

¹⁰ Mateo 24:14



E MISHON

Ta asina fasil pa lubida algu. Lubidá un sita òf lubidá unda bo a laga bo yabi no ta inusual. Pero kon un hende por

lubidá kasi 5.500 kilo di oro?

Den e pais ku awor nos ta yama Thailand, nan tabatin un estatua di Buda di oro sólido kubri ku gips. Di e manera aki, nan kier a evita ku e ta wòrdu hòrtá pa intrusonan. Ku tempu, hende a lubidá e berdadero identidat di e estatua aki, i el a wòrdu wardá bou di un simpel dak di heru ku forma di olanan. A dura kasi 200 aña promé ku e balor di e estatua a wòrdu redeskubrí. Ora nan a move e estatua, el a kai, i un parti di e gips a kibra. E oro abou a wòrdu revelá despues. Awendia, e estatua di Buda di oro aki ta pará den un tèmpel elegante banda di Riu Chao Phraya den sentro di Bangkok. Un estatua na balor di mas ku \$250 mion a wòrdu lubidá pa generashonnan. ¹

Ta posibel pa lubidá algu asta mas importante. E buki aki di Ellen White ta kuminsá ku e palabranan aki: “E iglesia ta Dios su instrumento apuntá pa salbashon di hende. El a wòrdu establese pa sirbishi, i su enkargo ta pa prediká e evangelio na mundu.”² Ki un tragedia lo ta si e iglesia lubidá e motibu di su eksistensia.

PROFETISANDO ATROBE

Revelashon kapítulo 10 ta konta e historia di loke hopi bia ta wòrdu yamá “E Gran Desepshon.” Na 1844, siguidónan di e predikadó bautista i atventista William Miller tabata warda ansiosamente e regreso di Hesus. Skritura ta deskribí nan eksperensia komo dushi inisialmente manera miel, promé ku el a bira berdaderamente marga. Dios tabatin un konseho masha kla pa e grupo di kreyente aki ku tabata den problema: “Bo tin ku profetisá atrobe tokante hopi nashon i pueblo, tokante hende di tur idioma i tokante hopi reinan.”³ Esnan ku a sigui den fe despues di nan desepshon a risibí un enkargo di Dios pa prediká e evangelio na henter mundu.

Nada no a kambia den e enkargo di iglesia desde ku e Milleritanan deprimí a realisá ku Hesus lo no regresá manera ku nan a spera. E mandato duná na iglesia a bira

solamente mas urgente. Den Revelashon, Huan ta papia despues di tres angel, kada un tresiendo un mensahe ku mester a wòrdu plamá rònt mundu den e último dianan di tera.

“I mi a mira un otro angel ta bula meimei di shelu, kende tabatin un evangelio etèrno pa prediká na esnan ku ta biba riba tera, i na tur nashon i tribu i lenga i pueblo; i el a bisa na bos haltu: ‘Teme Dios i dun’E gloria, pasobra e ora di Su huisio a yega; i adorá Esun ku a traha shelu i tera i

laman i fuentenan di awa.’”⁴ E di dos angel ta atvertí kontra Babilonia i e konfushon spiritual ku e ta plama, bisando ku Babilonia “kaí” a konfundí mundu ku su biña intoksikante.

Despues ta sigui e mensahe firme di e di tres angel, kende ta atvertí ku esnan ku ta atrapá den e gran apostasia di e

último dianan no por wòrdu salbá.

E mensahe di e tres angelnan ta konkluí despues ku un deskripshon di esnan ku ta kla pa topa Hesus ora E regresá. “At’aki e pèrseveransia di e santunan ku ta warda e mandamentunan di Dios i nan fe den Hesus.”⁵

E pasashi aki tambe ta duna e motibu di e iglesia su eksistensia: pa prediká e evangelio na kada kriatura bou di shelu. Ora e iglesia faya den su enkargo, e ta stanká, ta skur, i ta kai chikí den kumpli ku su mishon. E komishon ei ta pa “demostrá Su plenitut na mundu i pa hasi konosí e sufisiensia di Su obra, i pa ‘deklará Su gloria,’ i pa revelá “asta na e gobernantenan di shelu, e outoridatnan i podernan di skuridat i e forsanan spiritual di maldat den e reinonan selestial, e ekspreshon final i kompleto di e amor di Dios.”⁶

KORIENDO ÒF BAI

Profeta Ezekiel a presentá e enkargo di iglesia komo un riu ku ta kore for di

e tèmpel di Dios. Na promé instante, e tabata un riu chikitu, pero eventualmente “e awa a subi, suficiente awa pa landa aden, un riu ku bo no por a krusa.”⁷ E riu a kore dor di e desierto i a pone “tur sorto di palu di fruta lo krese i lo sirbi pa kuminda. Nan blachi lo no marchitá i nan lo no falta fruta. Tur luna nan lo karga fruta, pasobra nan awa ta kore for di e santuario, i nan fruta lo ta pa kuminda i nan blachi pa kuramentu.”⁸ E riu aki ta simbolisá e iglesia ku a trese e evangelio na mundu i eventualmente a kore bai den Laman

Morto, kende su awanan a bira ‘dushi’. ‘E lo yena ku kriaturanan bibu Unda ku e riu ta kore, bida lo bini, i lo tin piská na abundansia. Ora e awa aki yega Laman Morto, e awa einan

lo bira dushi; unda ku e riu kore, bida lo bini.”⁹

E riu aki a trese bida i sanashon unda ku e tabata kore. Esei ta e influensia di iglesia. E ta kontené e mensahe di un Salvador krusifiká i resusitá ku ta biniendo pronto. E ora ei iglesia mester ta manera un fragansia di bida, dunando bida na un mundu den konfushon i doló. Ora e iglesia ta comprometé pa eleva Hesus i proklamá su pronto binida, e ora ei no a keda nada otro ku di progreso pa gloria di Dios.

Studiantenan di skol sekundario ku ta studia físika ta siña ku inersia ta e tendensia di un opheto den moveshon pa keda den moveshon, òf di un opheto inmovibel pa keda sin move, a ménos ku e ta wòrdu influensia pa un forza di pafó pa kambia su velocidat òf direkshon. Hopi di e mesun studiantenan aki lo siña despues ku inersia òf lentitut por tin un impakto profundo riba e iglesia. Iglesianan stanká ta keda stanká i ta resistí influensianan ku ta pone nan kambia

nan velocidat i direkshon. Sinembargo, e iglesia a wòrdu enkargá pa shelu pa ta nada otro ku statiko òf inmovibel. E iglesia ta wòrdu yamá pa Hesus pa kore, òf, manera e Gran Komishon ta bisa, pa “bai.”

No por tin mal komprondementu kiko Dios ke pa e iglesia. Nos ta yamá pa hiba e evangelio na e mundu. Hopi bia ta pretendé ku ta hopi difisil pa yega na e sosiedat, pero Ellen White a yega di bisa: “Tur kaminda na mundu, hòMBER i muhé ta wak ku anhelo pa shelu. Orashonnan, lágrimanan i preguntanan ta sali for di kurason di hende ku ta anhelá lus, grasia, Spiritu Santu. Hopi ta para na frontera di e reino, sperando solamente pa laga nan dreña.”¹⁰ Atrobe: “Tur kaminda na mundu, hende ta sperando solamente pa laga nan dreña.”

Laga e iglesia, manera un riu, ku ta kore mas leu di su awanan den komunidatnan rònt di dje, tresiendo bida i salú dor di mustra hende riba Hesus, “e kaminda, e bèrdat, i e bida.”¹¹ Nos ta ser yamá pa Dios pa “pa profetisá atrobe”, pa hiba e mensahe di e tres angelnan na mundu. Nos no mester lubidá esaki nunka.

¹. Statue: Travel Tips You Can Trust,” https://www.hillmanwonders.com/thailand/golden_buddha_statue.htm#google_vignette, accessed Jan. 21, 2025); accounting for inflation, it would be valued at more than US\$330 million at the time of writing this article.

². Ellen G. White, *The Acts of the Apostles* (Mountain View, Calif.: Pacific Press Pub. Assn., 1911), p. 9.

³. Revelashon 10:11

⁴. Revelashon 14:6-7

⁵. Revelashon 14:12

⁶. Ellen White, *For di Herusalèm pa Roma*, p. 9.

⁷. Ezekiel 47:5

⁸. Ezekiel 47:12

⁹. Ezekiel 47:8-9

¹⁰. Ellen White, *For di Herusalèm pa Roma*, p. 80.

¹¹. Huan 14:6

E Espera

Warda por ta difisil. Na novèmber 2023, despues ku un sekshon

di un tünel bou di konstrukshon a kai den nort di Himalaya, kuarent'i un trahadó a keda atrapá tras di un seru grandi di sushi. E tünel, kasi sinku kilometer largu, tabata destiná pa mehorá aksesu na sitionan di peregrinashon Hindu i habri oportunitatnan pa desaroyo ekonómiko. Konstrushon a tuma lugá den un área deskribi pa un geólogo komo “un masa di piedra debil,” kaminda tabata posibel ku nan lo por kai. Numeroso intento a wòrdu hasi pa yega na e trahadónan atrapá usando mashinnan sofistiká, pero sin eksito. Despues un tim di bintikuater minero a koba ku man dor di e monton enorme di sushi i a yega na e trahadónan afektá. Despues di keda dieshete dia spantoso atrapá tras di e kantidat grandi di sushi ei, un di e hòmbenan reskatá a bisa, “Nos a bira preokupa ora nos a realisa ku nos lo keda sintá einan pa hopi tempu.”¹ Pa difisil ku tabata pa warda riba reskatadónan, e mesun hòmber a bisa ku “nunke el a perdè speransa.”

NOS SPERANSA BENDISHONÁ

Despues di e fin katastrofiko di integridat humano den e hòfi di Eden seis mil aña pasá, planeta tera ta spera salbashon. “Nos sa ku

henter e kreashon ta keha i ta sufri manera den doló di parto te dia djawe.”² Rònt mundu, hende ta luchando ku retonan ku niun hende no por solushoná. Preshonnan personal, físiko, relashonal i sosial ta sigui oumentá. Tòg, no tin evidensia ku e retonan ku nos ta enfrentá awe por ser solushoná mediante intervenshon humano.

Komo yunan di Dios, sinembargo nos ta spera un futuro briante. E

E señalnan di tempu no ta asina tantu señalnan ku ta indiká kon largu e biahe lo tuma. Nan ta mas bien señalnan ku ta laga nos sa riba kua kaminda nos ta.

reskate dramátiko ei na India a konduzí na e reskate di kuarent'i un hòmber na India. Pues, Hesus su regreso lo marka un dia e komienso di eternidat, interrompiendo bida manera nos konos'é. “kita for di nan wowo; i lo no tin morto mas; lo no tin lamento mas, ni yoramentu, ni doló; e promé kosnan a pasa.”³

E iglesia tin hopi tempu ta anunsiá

e regreso di Hesus, a skirbi tokante di dje, i ta anhelá p'e. Tòg, algun hende por puntra nan mes si ta sabí pa kere ku Hesus lo regresá pronto. Outornan i oradornan ta mostra riba e maldat prevalesente den mundu komo evidensia di e serkania di e Segundo Binida. Sin embargo, nos no mester lubidá ku pa hopi tempu esaki ta un mundu pekaminoso. E promé persona ku a nase a bira un asesino. Ta mas ku kuater mil aña pasá ku e korupshon di e planeta aki tabata asina grandi ku Dios a destruí mundu ku un diluvio. Solamente ocho persona a keda salba. No ta nada straño ku algun hende ta bisa, “Unda E ta awor? ... E no a primintí di bini?”⁴

E kreyente tin “e bendishon ku nos ta spera.”⁵ E ta tene na mente ku Beibel ta bisa: “Nos Ta kana pa medio di fe, no pa bista”⁶ Nos no por sa e dia ni e ora di Hesus su regreso, sinembargo nos tin tur motibo pa konfia ku Dios lo keda fiel na su promesa.

WARDANDO RIBA E PROMESA

Algun eksperto ta kere ku Eva a pensa ku el a duna lus na e Mesías ora Kain a nase. Ellen White tambe ta bisa ku Adam ku Eva “a risibí nan yu primogénito ku goso, sperando ku e lo ta e redentor. E kumplimentu di e promesa ei, sinembargo, tabata pa bini ainda.”⁷ Míles di aña lo a pasa promé ku e Mesías lo a bini.

Dios a primintí Abraham e tera di Kanaan, pero mas o ménos mitar milenio a pasa promé ku e yunan di

Largu

Israel a drenta e Tera Primintí. Un hebreo ku a bira katibu, trahando duru den e solo kayente di Egipto, lo por a ser tentá pa pensa ku e pueblo di Dios lo a keda den koutiverio pa semper. Ora “un rei nobo a lanta na Egipto, kende no tabata konosé Hosé,” pensamentunan tokante e Tera Primintí por a parse fantasia tambe. ⁸ Den un seri dramátiko di milager, e primogénito di kada famia egipcio a muri, pilarnan di kandela i nubia a guia i protehá e pueblo di Dios, i Laman Kòrá a parti milagrosamente, permitiendó e pueblo di Dios skapa di nan koutiverio. Despues di warda hopi, diripiente e pueblo di Dios a bira liber.

Ta parti di naturalesa humano pa wak e kumplimentu di profesianan i trata di evalua kon serka nos ta di e regreso di Hesus. Guera, pandemia, instabilidat finansiero i avansenan teknológiko ta duna nos e idea ku Hesus su regreso ta inminente. Hesus a enumera e señalnan di su binida, i despues Hesus ta konta su disipelnan kiko lo pasa den futuro. “Ora ku e kosnan aki kuminsá tuma lugá, nos por sa e ora ei ku Su regreso ta “hopi serka.”⁹ Sinembargo, e mama i e mayornan na Israel ta sigui muri, ounke un tempu nan tabata konvensi ku nan lo a presensia Hesus su regreso den nan bida. Nan ta drumi sin mira shelu hala sera manera un ròl.¹⁰

UNDA NOS TA?

E señalnan di e tempu no ta asina tantu señalnan ku ta indiká kon largu e biahe lo ta. Nan ta mas bien señalnan ku ta laga nos sa riba kua kaminda nos ta. Si un hende kore for di London pa Leeds na Inglatera, nan sa ora nan sali for di London ku nan tin mas o ménos 320 km pa bai nan destinashon. Asta sin sa kon leu nan mester biaha ainda, un bòrchi di kaminda ta indiká ku nan ta riba e M1 i ta laga nan sa ku nan ta riba e kaminda korekto.

Den volúmen nuebe di e Testimonianan na Iglesia, Ellen White ta skirbi: “Kambionan grandi ta serka di tuma lugá den nos mundu, i e susesonan final lo tuma lugá rápidamente.”¹¹ E susesonan ku ta kondusí na e regreso di Hesus lo kumpli den suseshon rápido, na un tempu ku masha poko hende ta spera esei. Ta keda na nos pa warda ku pasenshi i ku fe riba Hesus, keriendo ku E lo regresá i

hiba nos serka DjE, pa kaminda E ta, nos tambe por ta. ¹²

Pesei, no tira boso konfiansa afó, kual tin un gran rekompensa. Pasobra boso tin mester di pèrseveransia, pa ora boso a hasi e boluntat di Dios, boso risibí loke a wòrdu primintí. Pasobra e ta bisa: Pasobra denter di masha poko tempu, ‘Esun ku ta pa bin, lo bin, i lo no tarda.’ Ma nos no ta di esnan ku ta hal’atras pa destrukshon, sino di esnan ku tin fe pa preservashon di e alma.”¹³

No ta importá kon e ta parse, i sin importá kuantu tempu nos a warda, nos por sa ku Hesus lo regresá pronto. El a primintí esei. Riba e dia ei, meskos ku e trahadónan di konstrukshon atrapá ei na India, nos lo wòrdu reskatá i librá for di un mundu ankrá den piká, pa disfrutá di e bendishonnan di bida eterno.

Laga ku wordu bisa tokante di e pueblo di Dios: ‘Ku nos nunka lo no perde speransa’

¹ Nov. 29, 2023, <https://www.independent.co.uk/asia/india/uttarakhand-tunnel-rescue-silkyara-collapse-b2455217.html>, accessed Jan. 22, 2025. Shweta Sharma, “‘We Were Hungry, but We Never Lost Hope’: Survivors Recount 17-Day Ordeal Trapped in India Tunnel”

² Romanonan 8:22

³ Revelashon 21:4

⁴ 2 Pedro 3:4

⁵ Tito 2:13

⁶ 2 Korintionan 5:7

⁷ Ellen White, *De wens der eeuwen* (Alphen aan de Rijn, Veritas, 1980, p. 22.

⁸ Eksodo 1:8

⁹ Lukas 21:28; Mateo 24:33

¹⁰ Vgl. Revelashon 6:14

¹¹ Ellen G. White, *Testimonies for the Church* (Mountain View, Calif.: Pacific Press Pub. Assn., 1948), vol. 9, p. 11.

¹² Huan 14:3

¹³ Hebreonan 10:35-39

Oku

William a kere ku el a wòrdu boutisá nèt na tempu pa e regreso di Hesus. El a studia Beibel i a sera konosí ku su profesianan. Esaki a konvensé ku e último dlanan di historia terenal tabata inminente. E tabata aliviá ku Dios a yega serka dje ora El a hasié. William a pensa ku si esei a tuma hopi mas tempu, nunca e lo no tabata prepará pa topa Hesus na Su regreso.

Ora William a batisá, Leonid Brezhnev tabata e lider di Union Soviétiko ainda i Ian Smith e promé minister di Rhodesia (awor Zimbabwe). E mesun aña ei, e Guerra di

señor ta tarda su regreso.”² Mientras ku Pablo no tabatin mester di skirbi e Tesalonisensenan “tokante e tempu ku esaki lo sosodé,” el a skirbi tokante e pueblo di Dios ku tabata “wardando riba e speransa bendishoná— i e aparishon di e gloria di nos gran Dios i Salvador, Kristo Hesus.”³

MIENTRAS NOS TA WARDÁ

E aparente retraso pa loke ta trata e regreso di Hesus no ta solamente un mal noticia. Si Hesus a regresá apénas algun generashon pasá, niun hende ku ta na bida awe lo no tin bida eterno. Hopi amigu i miembro di famia ku ainda

upá

Vitnam a terminá, i e Muraya di Berlin lo a keda para pa dieskuater aña mas. Pa 1975, William tabata konvensí ku e tabata un di e últimonan ku a bini serka Hesus nèt na tempu pa e Segundo Binida.

E bèrdat ta, tin hopi kos ku nos no sa tokante e tempu di Hesus su regreso, fuera di kere ku Hesus ta bini bèk “pronto.” Nos tin hopi bon motibu pa esaki, spesialmente den lus di e señalnan di Hesus su regreso, manera e palabranan ei menshoná den Mateo 24 i Lukas 21. Fuera di ta “pronto” òf “hopi pronto,” nos no sa ki dia Hesus lo regresá. Hesus mes a ekspres’é asin’aki: “Ningun hende no sa di e dia i ora ei.”¹

Esaki no ta nifiká ku nos ta duda den e regreso inminente di Hesus. Ta e sirbidó malbado ta bisa: “Mi

no ta kana ku Hesus lo arepentí eventualmente i haña nan kaminda pa e kurason di Dios.

Un di e parábolanan di Hesus ta mostra ku e tempu di su regreso no ta e kos di mas importante. Dirigiendo su mes na hende ku “a kere ku e reino di Dios tabata serka di bini,” Hesus a bisa: “Un hòmer di nasementu noble tabata bai un tera leu pa risibí e reino i despues regresá. El a yama dies di su sirbidónan i a duna kada un di nan dies mina di plata, i a bisa nan: ‘Bai i negoshá ku esakinan mientras ku mi ta bai.’”⁴

E palabra griego usá aki ta indiká ku e hòmer tabata animá su sirbidónan pa negoshá kuné òf hasi negoshi ku loke el a duna nan. E parábola ta deklará ku e tabata bai i lo a regresá, pero e no ta spesifiká e tempu di su regreso. E ta

E *tempu* di Kristu su regreso no ta e kos di mas importante.

simplemente sigurá nan ku lo e bolbe i ta instruí su sirbidónan pa hasi negoshi te e tempu ei. Nan mester tabata okupá ku su interesnan di negoshi te ora e regresá bèk. E mensahe ta kla pa esnan ku ta kere ku “e reino di Dios ta bini pronto.”

Si Hesus regresá den sinku aña, e pueblo di Dios mester ta aktivo pa e próksimo sinku añanan. Si e regresá den dies, binti òf trinta aña, esnan ku kere den Hesus mester ta okupá ku e asunto di nan Tata pa henter e periodo ei. Sea e espera ta largu òf kòrtiku, ta nesario pa sirbi Dios durante e tempu ei, pa kompartí e bon nobo ku otro hende i pa proklamá e mensahenan di e tres angelnan.

LAGA NOS LANTA

E buki di Nehemías ta deskribí e regreso di e pueblo di Dios for di Babilonia pa Herúsalem. Ounke ainda nan ta bou di dominio di Medo-Persia, nan ta haña pèmit pa rekonstruí Herúsalem i reorganisá sosiedat den loke un tempu tabata un stat ruín. “E ora ei sumosaserdote Eliasib a lanta huntu ku su rumannan, e saserdotenan, i a traha e Porta di Karné... Banda di djé e hòmbènan di Jeriko a traha i banda di djé e hòmbènan di Jeriko a traha, i banda di nan Zakur, yu hòmbè di Imri. E yu hòmbènan di Senaa a traha e Porta di Piská.... I banda di nan Meremot, yu hòmbè di Urias, yu hòmbè di Kos, a hasi reparashon. I banda di djé Mesulam, yu hòmbè di Berekias, yu hòmbè di Mesezabel, a hasi reparashon. I banda di djé Sadok, yu hòmbè di Baana, tambe a hasi reparashon.”⁵

E ekspreshon “banda di nan” òf “despues di nan” ta aparesé por lo ménos trinta biaha den Nehemias 3. Na un momentu desisivo den historia di e pueblo di Dios, nan a sali dilanti i a kompartí responsabilidad pa e trabou ku El a duna nan. E trabou aki tabata asina importante ku e noblenan di Tekoa ta wòrdu menshoná spesífikamente pasobra nan “no a laga nan señor imponé ningun trabou riba nan.”⁶ Tabata esensial pa kada hende hasi nan parti.” Hesus a primintí ku “e bon notisia di e reino lo wòrdu prediká den henter mundu komo un testimonio pa tur nashon, [i e ora ei] e fin lo yega.”⁷ E evangelio eterno no por wòrdu tresé na mundu solamente dor di trahadónan evangéliko pagá, “fulltime”. Tampoko e lo yega mundu solamente pa medio di medionan elektroniko. Dios ta

duna Su pueblo e privilegio di kompartí nan fe den Hesus ku otronan. Ora e iglesia tuma e tarea aki, e evangelio lo plama rápidamente.

Tom tabata un piskadó ferviente. Despues di a yuda un hende ku e no tabata konosé trese un piská na kantu, e ku su kompañero piskado a bira amigu. Su amigu nobo, Phil, na prinsipio no a mustra interes den asuntunan religioso te ora ku Tom a bis’é: “Bo tabata sa ku Hesus a pasa hopi tempu ku piskadónan?” Phil no tabatin antesedente bíbliko, pero esaki a lanta su interes, i el a sorprendé Tom bisando, “Mi lo ke siña mas tokante esei.”

El a kuminsá un seri di estudionan di Beibel, i Phil a aseptá e gran siñansanan di Skritura ku entusiasmo. El a kuminsá bai misa, a aseptá Hesus komo su Salvador personal, a krese den su fe, i pronto a batisá.

Djis despues di su boutismo, Phil a bira malu. Dòkternan no por a trat’é ku éksito, i el a muri diripiente. Na su sirbishi di entiero, e misa tabata yená te na su kapasidat ku hende di luto, inkluyendo hopi piskadó, hopi di kendenan, meskos ku Phil, no tabatin antesedente religioso. “Tabata un bendishon pa wòrdu usá pa Dios pa yega na Phil,” Tom a bisa. El a asta dirigí e sirbishi di entiero di Phil.

E por ta un enkuentro kasual na merkado, un konekshon na trabou òf skol, òf asta un oportunidat pa yuda un hende straño miéntras e ta piska. Tur e kosnan aki por konduzí na un bida kambiá pa Hesus. Nos no sa eksaktamente ki ora Hesus lo regresá, i nos no por. Sinembargo, ta nos privilegio pa ta okupá te ora E bini bèk.

¹ Mateo 24:36

² Mateo 24:48

³ 1 Tesalonisensenan 5:1; Tito 2:13


⁴ Lukas 19:11-13

⁵ Nehemias 3:1-4


⁶ Nehemias 3:5

⁷ Mateo 24:14


Buki...



Preparashon pa e Ultimo Yobida



E bèrdat ku a sali Herusalèm pa tur nashon



Kaminda na Kristu

Estudio...



Fe di Hesus



Profesia di Daniel



Un Stèm di Speransa

PA REKURSONAN BIBLIKO NA
PAPIAMENTU BISHITA
JOYCITA-ADV.NL

Protehando Loke ta Mas Importante

E bòrchi dilanti di e kas tabata bisa: “Kompania di Seguridat XYZ: Protehando Loke Ta Importante pa Bo.” Kosnan importante por lo general ta bon protehá. Kas i outo por lo general ta será na yabi, plaka ta wòrdu depositá den un kuenta di banko, dokumentonan importante ta wòrdu wardá bon i muchanan ta keda leu for di peliger.

No tin skarsedat di hende dispuesto pa hòrta kosnan di balor. E kas di un strea di futbòl ingles a wòrdu kibrá, i £1 mion na balor di oloshinan i hoyasnan a wòrdu hòrtá. Outoridatnan a bisa e tempu ei ku un gang di ladronnan profeshonal probablemente a bula bai Gran Bretaña pa realisá e kiebro. Na 1990, ladronnan na Boston, Massachusetts, a hòrta obra di arte na balor di mei bion dòler. E malechornan nunka a wòrdu gará, i e obranan di arte, inkluyendo pinturanan di e maestronan Hulandes Vermeer i Rembrandt, nunka a wòrdu rekuperá. E promesa di un rekompensa lukrativo a inspirá hopi empresanan kriminal.

Tòg, obranan di arte, oloshi i plaka ta bal poko den e lus di eternidat. Tur hende na bida awe ta enbolbí den un bataya pa algu impagabel: nos identidat. Un otro manera pa bisa ta: e ta tokante un hende su destino eterno. Tantu e seyo di Dios komo e marka di e bestia ta wòrdu poné riba e frenta (e mente) di individuonan. Hesus a deklará

ku e gran mandamentu den e lei ta: “Stima Señor bo Dios ku henter bo kurason i ku henter bo alma i ku henter bo mente,” pero “bo enemigu diabel ta kana rònt manera un leon ku ta gruña, buskando un hende pa devorá.”¹

NOS SITUASHON

Nos ta meimei di un guera sin presedente. “I e dragon tabata furioso riba e muhé, i a bai pa hasi guera ku e restu di su desendientenan, kendenan ta warda e mandamentunan di Dios i tin e testimonio di Hesu Kristo.”² E guera aki ta tumando lugá na e momentu aki den su totalidat. Kiko bo ta hasiendo pa protehá bo mente, bo kurason i bo famia segun ku bo ta haña bo mes meimei di un atake di gran eskala?

Hesus ta dirigí su mes na su pueblo den e último dianan di e mundu i ta bisa: “Mi konosé bo obranan, ku bo no ta ni friu ni kayente; mara bo tabata friu òf kayente. Despues e ta sita kreyentenan di fin di tempu ku ta bisa: ‘Mi ta riku, mi ta bon pará i no tin mester di nada.’”³

Un spièrtamentu asina serio mester spanta e pueblo di Dios. Hesus ta dirigí su mes na e iglesia i ta bisa, “Boso no tin niun idea di e seriedat di boso kondishon spiritual peligroso.” Esaki no ta un atvertensia ku por wòrdu rechasá komo si fuera e ta konta pa un otro hende. E mensahe di Laodisea ta pa henter e pueblo di Dios.

Den Christ's Object Lessons, Ellen White a skirbi esaki: "Hopi hende ku ta konsiderá nan mes kristian ta mas manera humanista. Nan a rechasá e don ku lo a permití nan onra Kristu komo nan representantenan den mundu. Nan no ta konosí ku e obra di Spiritu Santu. Nan no ta praktiká e palabra di Dios. E prinsipionan selestial ku ta distinguí esnan ku ta pertenesé na Kristu ta apénas visibel den nan. E hendenan aki ku ta konsiderá nan mes kristian no ta forma un grupo distinto for di e otro gruponan. E hendenan aki ta dependé prinsipalmente riba e korientenan di mundu i ta adapta na e praktikanan, habitonan i egoismo ku ta prevalesé aya. Lamentablemente, e iglesia ta birando mas i mas manera mundu."⁴

Esakinan ta palabranan sobrio, spesialmente pa motibu di loke Pablo a skirbi na e iglesia na Roma: "Deseonan terenal ta hiba na morto, ma e deseo impulsá pa e Spiritu ta hiba na bida i pas. Deseonan terenal ta enemistat kontra Dios pasobra nan no ta sometí na su lei i no ta kapas pa hasi esei. Ken ku ta wòrdu kontrolá pa kosnan terenal no por agradá Dios."⁵

No por tin siguridat spiritual sin entregá kompleto na Hesus. Afortunadamente, Pablo no a laga e romanonan sin speransa. El a skirbi: "pasobra si boso ta biba segun e karni, boso mester muri; ma si dor di e Spiritu boso ta mata e obranan di e kurpa, boso lo biba."⁶

E REGALO DI DIOS

E binida pronto di Hesus ta eksigí preparashon genuino di kurason di e pueblo di Dios. Nos ta biba den e "último dianan ku lo ta peligroso," tokante kua Pablo a skirbi Timoteo. ⁷ Ta absolutamente esensial pa kada kristian sòru pa nan kurason ta konektá ku shelu. Tin tiki tempu pa pèrdè. Hesus ta biniendo pronto. Ta pa nos motibu ku 'El a wòrdu despresiá i bandoná pa hende, un hòmber di tristesa, ku konosé sufrimentu; i manera un persona ku hende ta skonde kara p'é, El a wòrdu despresiá, i nos no tabatin apresio p'E. Siguramente E mes a karga nos enfermedatnan, i El a karga nos tristesa; tòg nos mes a konsider'E gòlpiá, sutá pa Dios, i afligí. Ma El a wòrdu trasasá pa nos transgreshonnan, El a wòrdu gòlpiá pa nos inikidatnan; e kastigu ku a trese pas pa nos tabata riba djE, i pa medio di Su heridanan nos ta kurá.⁸

Hesus a tuma bo pikánan riba su mes i a muri pa bo. Shelu no por a hasi nada mas ku esei pa konvensé bo di bo balor inmenso den bista di Dios. Dios a duna e regalo di mas grandi posibel ora El a "duna su úniko Yu."⁹ Si bo aseptá e regalo ei, e ta di bo.

Hesus ta bisa esaki na e iglesia di Laodisea: "Mi ta konseha boso pa kumpra serka Mi oro refina den kandela, i boso lo ta riko; pañanan blanku pa bisti boso i tapa boso desnudes, pa boso no tin berguensa; "Unguento pa bo wowonan, pa bo por mira."¹⁰ Kere den Kristu i Su hustisia, i lo bo risibí libremente e remedi pa wowo di Spiritu Santu.

Ora bo risibí Kristu i Su hustisia, nan ta di bo. Orashon tur dia i lesamentu di Beibel ta fortalecé bo konekshon ku

Dios. Dor di entregá bo bida na Hesus, bo por ta sigur di e regalo di salbashon.

"Ora nos someté na Kristu, nos mente ta bira un ku Esun di dj'E, nos boluntat ta konforme ku Su boluntat, i nos pensamentunan awor ta wòrdu kontrolá dor di DjE. Nos ta biba Su bida awor. Esei ta loke ta nifiká pa ta bisti ku 'e mantel di Su hustisia.'¹¹

Si bo invit'E pa hasi esei, Hesus lo protehá nos, i esei ta e kos di mas importante.

¹ Mateo 22:37; 1 Pedro 5:8

² Revelashon 12:17

³ Revelashon 3:15-17

⁴ Ellen White, Verhalen om verder te vertellen

⁵ Romanonan 8:6-8

⁶ Romanonan 8:13

⁷ 2 Timoteo 3:1

⁸ Isaías 53:3-5

⁹ Huan 3:16

¹⁰ Revelashon 3:18

¹¹ Ellen White, Verhalen om verder te vertellen, (Huis ter Heide, Kerkgenootschap der Zevendags Adventisten, 2014), p. 262.



Ta wòrdù bisa ku honestidat ta dura mas largu. Ningun kaminda esaki ta mas bèrdat ku den asuntunan di fe.

Despues di nan liberashon for di eksilio di Egipto, e yunan di Israel ansiosamente a drenta den un relashon di kombenio ku Dios. Nan tabata un pueblo ku a topa Dios den desierto yen di speransa i ekspektativa.

Israel a siña ku Dios tabatin intenshon di hasi nan ‘un tesoropekuliar ... riba tur pueblo,’ ‘i boso lo ta pa Mi un reino di saserdotenan i un nashon santu,’ i Israel a bai di akuerdo ku entusiasmo ku loke Dios a proponé. ‘Tur loke SEÑOR a bisa, nos lo hasi,’ nan a bisa. ¹ Apenas seis siman despues, e kompatriotanan di Moises, guiá pa su ruman hòmber Aàron e sumo saserdote, a traha un bisé di oro i a komete idolatria degradante. ‘i e pueblo a sinta pa kome i bebe i a lanta pa gosa.’² Ora Moises a baha for di Seru Sinaí, e tabata asina indigná ku loke el a mira ku el a ‘tira e tablanan for di su man i a kibra nan na pida pida na pia di e seru.’³

Nan problema no tabata asina tantu un falta di sinseridat òf boluntat. Simplemente nan a enfrentá e mesun dilema ku Pablo a deskribí: ‘mi no ta praktiká loke mi kier hasi, ma mi ta

hasi eksaktamente loke mi ta aboresé.’⁴ Loke Israel tabatin mester ta honestidat. Dor di atmití nan propio inkapasidat pa hasi loke Dios a pidi nan, nan por a evitá un koriente kasi sin fin di frakaso i sufrimentu.

E grupo aki di èks katibu no tabata kustumbrá kompletamente ku libertat òf outodeterminashon. Nan tabata rondoná pa paganismo puru pa generashonnan. Riba nan mes forsa nan no por a hasi loke Dios a pidi di nan. E pueblo di Dios ta haña nan mes den netamente e situashon aki awe. E pregunta no ta si Dios ke pa su pueblo stim’é i obedes’é. E pregunta ta: kon esei por wòrdù logra?

E YABI

Hopi a bira desanimá dor di nan propio inkapasidat pa biba ku integridat dilanti di Dios. Hopi bes nan ta konkluí ku nunca nan lo siña e sekreto di ta un kristian berdadero. E promé kos ku un siguidó di Hesus mester siña ta pa rekonosé nan propio debilidad. E di dos ta pa sa kiko Dios ta primintí di hasi den i pa medio di e debilidad ei.

E bèrdat ta ku Dios no por salba niun hende ku ta kere ku nan ta fuerte. P’esei Pablo a skirbi: ‘Pesei, laga esun ku ta kere ku e ta pará tene kuidou pa e no kai.’⁵ E profeta a ekspres’e asin’aki:

‘Nos hustisia ta manera un paña tur na sanger.’⁶

Tòg, Dios ta bisa e hendenan pekaminoso i inhustu aki, ‘Mi grasía ta basta pa bo, pasobra Mi poder ta wòrdù hasí perfekto den debilidad.’⁷ E yabi pa un bida kristian eksitoso ta siña konfia den e poder di Hesus. Dios no ta pidi Su yunan pa hasi kosnan grandi, pero pa entregá nan bida na djE pa E por hasi kosnan grandi den nan.

E pensamentu aki ta wòrdù ekspresá repetidamente den e karta na e Filipensenan: ‘Pasobra mi ta sigur di esaki, ku Esun ku a kuminsá un bon obra den boso lo perfekshon’é te na e dia di Kristo Hesus.’⁸ Esun ku ta kuminsá e trabou di salbashon den bida di un pekadó tambe ta primintí di sigui ku e trabou ei te dia ku Hesus regresá. ‘Pasobra ta Dios ta Esun ku ta obra den boso, tantu pa kier komo pa hasi segun Su bon boluntat.’⁹

Pablo ta ekspresá na e mesun kreyentenan aki su deseo pa ta ‘den djE—no teniendo un hustisia di mi mes ku ta bin for di Lei, ma esun ku ta dor di fe den Kristo, e hustisia ku ta bin di Dios pa medio di fe.’¹⁰ Pablo ta splika e iglesia na Filipos ku Dios ke pa su yunan permití Dios biba su bida den nan. Dor di entregá nan bida na Dios, pekadornan ta risibí e hustisia ku ta bini di Kristu.

HONESTIDAT TA MAS MIHO A LARGO PLASO

Ora Spiritu Santu bin biba den un persona, E ta trese Kristu i Su hustisia pa e kreyente. Hesus ta primintí di biba den kurason di Su siguidónan. Manera Pablo ta bisa: ‘Mi a wòrdu krusifiká ku Kristu; i no ta ami ta biba mas, ma Kristu ta biba den mi; i e bida ku mi ta biba awor den karni, mi ta biba pa medio di fe den e Yu di Dios, Kende a stimami, i a entregá Su mes pa mi.’¹¹ Na e iglesia na Kolossenzen, Pablo ta splika e misterio di e evangelio: ‘Kristu den boso ta boso speranza di gloria.’¹²

Hesus a ekspresá e mesun pensamentu ora El a splika ku Su relashon ku Su disipelnan tabata komparabel ku e konekshon entre un mata di wendruif i su ramanan. ‘Keda den Mi, i Ami den boso. Meskos ku e rama no por karga fruta di su mes, si e no keda den e mata di wendruif, asina boso tampoko, si boso no keda den Mi.’¹³

BIBA DEN KRISTU

Kada dia ta ofresé oportunidatnan na e yunan di Dios pa entregá na DjE. E persona ku entregá su mes na Kristu ta bira su propio fòrti, ku E ta tene duru den un mundu rebelde. E no ke pa ningun outoridat sino esun di dje wòrdu rekonosé. Un ku ta asina posehé pa e podernan selestial ta intokabel pa e atake di Satanas.¹⁴

‘Boso no sa ku ora boso presentá boso mes na un hende pa obedesé komo esklabu, boso ta esklabu di esun ku boso ta obedesé, sea di piká ku ta kondusí na morto, òf di obedensia ku ta kondusí na hustisia?’¹⁵ Tur berdadero obedensia ta sali for di kurason. E tabata un trabou di kurason den union ku Kristu. Si nos permití esaki, E lo identifiká su mes ku nos pensamentunan i intenshonnan, i asina alineá nos kurason i mente ku Su boluntad, ku nos lo sigui solamente nos mes impulsanan, basta nos obedes’É. E boluntad, purifiká i santifiká, lo haña su goso di mas grandi den hasi loke E ke. Ora nos konosé Dios, i ta nos privilegio pa konos’É, nos bida lo ta unu di obedensia konstante. Pasobra nos ta apresia asina tantu e karakter di Kristu, pa medio di konekshon ku Dios, nos lo desaroyá un odio pa piká.¹⁶

E teólogo aleman Dietrich Bonhoeffer a yega di skirbi algu asina tokante esaki: ‘Ora Kristu yama un hende, E ta manda nan bini i muri.’¹⁷ Ora nos muri na e bida bieu, e ta permití Hesus pa rekrea nos den Su mes imágen. Sin duda lo bini momentunan di desepshon segun ku nos ta siña e lès di entregá komplemento na DjE. Si nos ta honesto ku nos mes, nos lo mester atmití ku nos ta inkapas di ta loke eternidat ta eksigí di nos. Pa

medio di e honestidat ei, nos lo rekonosé tambe ku Dios por hasi tur loke ta nesario pa hustifikashon i santifikashon, sin importá kon debil nos ta. Ora nos a entregá nos mes na Hesus, nos por wak padilanti ku konfiansa na e gran dia ei ora e redimínan lo bisa: ‘Mira, esaki ta nos Dios, riba Kende nos a spera pa E salba nos. Esaki ta e SEÑOR, riba Kende nos a spera; laga nos regosihá i sea kontentu den Su salbashon.’¹⁸

‘Amen. Bin, Señor Hesus.’¹⁹

^{1.} Eksodo 19:5-6, 8

^{2.} Eksodo 32:6

^{3.} Eksodo 32:19

^{4.} Romanonan 7:15

^{5.} 1 Korintionan 10:12

^{6.} Isaías 64:5

^{7.} 2 Korintionan 12:9

^{8.} Filipensenan 1:6

^{9.} Filipensenan 2:13

^{10.} Filipensenan 3:9

^{11.} Galatianan 2:20

^{12.} Kolosensenan 1:27

^{13.} Huan 15:4

^{14.} Ellen White, *The Desire of Ages*.

^{15.} Romanonan 6:16

^{16.} Ellen White, *The Desire of Ages*, p.555.

^{17.} Dietrich Bonhoeffer, *The Cost of Discipleship* (Touchstone; eerste editie 1995), p. 99..

^{18.} Isaías 25:9

^{19.} Revelashon 22:20

Esun ku kuminsá e
obra di salbashon den
bida di un pekadó,
tambe ta primintí di
sigui ku e trabou ei te
dia ku Hesus regresá.

Despeus di E Segunda Binida

BINIDA

**Bibando pa Semper ku
Hesus den e Shelu Nobo i e
Tera Nobo**

Ellen G. White

Nos ta mira e imágen
di Dios reflehá,
manera den un spil,
den e obranan di
naturalesa i den Su
trato ku hende; pero e
ora ei nos lo mir'E
kara pa kara sin un
velo skur mei mei ku
ta separa.

Den Beibel, e
herensia di esnan
ku ta wòrdu salbá
ta wòrdu yamá
“un patria.”¹ Einan

e Wardadó selestial ta hiba Su tou
na fuentenan di awa bibu. E palu di bida ta duna su
fruta tur luna, i su blachinan ta destiná pa sirbi e
nashonnan. Tin riunan ku ta kore semper, kla
manera kristal, i banda di nan, palunan ku ta zwai i
tira nan sombra riba e kamindanan prepará pa e
redimínan di Señor. Einan e sabananan inmenso ta
duna lugá na serunan bunita, i e serunan di Dios ta
lanta ku nan puntanan haltu. Riba e sabananan
pasífiko ei i banda di e riunan bibu ei, e pueblo di
Dios, pa asina tantu tempu un nashon di peregrino i
vagabundo, ta haña un kas...

Tin e Herusalèm Nobo, e kapital di e tera nobo
glorifiká, “un korona di bunitesa den e man di
SEÑOR, i un diadema real den e man di bo Dios.
E stat a bria ku e gloria di Dios, bria manera un
piedra masha kostoso, un piedra di yaspe,
transparente manera kristal. ... E nashonnan lo kana
den su lus, i e reinan di tera lo trese nan gloria den
djé... Lo Mi ofresé nan gloria einan. I lo tin delisia
den Mi pueblo ... i e bos di lamento i e zonidu di
yoramentu lo no wòrdu tendí mas den djé ... Mira, e
tabernakel di Dios ta meimei di hende, i E lo biba
meimei di nan, i nan lo ta Su pueblo, i Dios mes lo
ta meimei di nan.”²

KON LO E TA

Den e Stat di Dios, “lo no tin anochi.” Niun hende
lo no mester òf lo no anhelá sosiegu. Hende lo no
kansa nunca di hasi e boluntad di Dios i alabá Su
nòmber. Semper nos lo sinti e freskura di mainta, i
su fin semper lo ta leu. “Nan lo no tin mester di e
lus di lampi ni e lus di solo, pasobra Señor Dios lo
iluminá nan; i nan lo reina pa semper i semper.”³ E
lus di solo ta wòrdu remplasá pa un lus ku no ta
siega ardientemente, pero ta surpasá e lus di mèrdia
inmensamente. E gloria di Dios i di e Lamchi ta
inundá e Stat Santu ku un lus ku nunca lo dispersé.

E redimí ta kana den e gloria sin
solo di un dia ku ta dura pa
semper.

“I mi no a mira un tèmpel den e
stat, pasobra Señor Dios, e

Todopoderoso, i e Lamchi, ta su

tèmpel.”⁴ E pueblo di Dios tin e privilegio di ta uní
abiertamente ku e Tata i e Yu. “Awor nos ta mira
solamente un refleho, un imágen sombrío.”⁵ Nos ta
mira e imágen di Dios reflehá, manera den un spil,
den e obranan di naturalesa i den su trato ku
humanidat; pero e ora ei nos lo mir'é kara kara, sin
un velo ku no tapa mas entre nos. Nos lo para den
su presensia i mira e gloria di su kara.

Einan e redimí lo konosé manera nan ta konosí. E
amor i kariño ku Dios mes a pone den nos lo haña
su ekspreshon di mas sinsero i agradabel.

Komunion puru ku sernan santu, bida sosial
harmonioso ku e angelnan bendishoná i ku e fielnan
di tur e tempunan ku a laba nan mantel i a hasi nan
blanku den e sanger di e Lamchi, e lasonan sagrado
ku ta mara huntu “tur komunidad den shelu i riba
tera”—tur e kosnan aki ta kontribuí na e felisidat di
e redimí.⁶

Einan, sernan inmortal lo mira e maravianan di
poder kreativo i e misterionan di amor redentor, i
nunka nan lo no keda sin eksperensia e goso di
esaki. Lo no tin enemigu kruel i engañoso mas pa
tenta bo pa lubidá Dios. Tur loke un hende ta kapas
di dje i tur loke hende por lo wòrdu desaroyá. Atkerí
konosementu lo no kansa e mente ni agotá un
hende su energia. Einan, e kompromisonan di mas
grandi por wòrdu realisá, e aspirashonnan di mas
haltu alkansá, e ambishonnan di mas haltu realisá. I
ainda lo tin puntanan nobo pa nos konkistá,
maravianan nobo pa atmirá, bèrdatnan nobo pa
komprondé, kosnan nobo pa invoká e podernan di
mente, alma i kurpa.

E ALEGRIA DI ETERNIDAT

E redimí lo por eksplorá tur e tesoronan di
universo. No ta wòrdu strobá mas pa nan
mortalidat, nan por bula inkansablemente pa

Mas grandi e konosementu di Dios bira, mas grandi lo ta nan atmirashon pa Su karakter.

mundunan leu. E mundunan ei tabata tembla di tristesa na bista di sufrimentu humano, i kantikanan di alegria tabata resoná na e notisia di un alma redimí. E yunan di e tera aki ta eksperensiá ku delisia indeskríbibel e goso i sabiduria di sernan kai. Nan ta kompartí e tesoronan di konosementu i kompromementu ku nan a atkerí atraves di siglonan dor di kontemplá tur loke Dios ta hasi. Ku un mirada ku no ta tapá mas, nan ta mira e splendor di kreashon: solo, strea i galaksia, tur ta rondoná e trono di e Divinidat na nan lugánan asigná. E nòmber di e Kreador ta skirbí riba tur kos, for di esun di mas chikitu te esun di mas grandi, i pa medio di tur kos e rikesanan di Su poder ta wòrdu revelá.

Segun ku e añanan di eternidat ta avansá, revelashonnan mas riku i asta mas glorioso di Dios i Kristu lo sigui. Segun konosementu ta oumentá, asina tambe amor, reverensia i felisidat lo oumentá. Mas grandi hende su konosementu di Dios bira, mas grandi lo ta nan atmirashon pa Su karakter. Hesus ta revelá e rikesanan di redenshon i e kosnan asombroso ku El a logra den e gran konflikto ku e atversario. Konsekuentemente, e kurasonnan di e redimí ta yena ku mas deboshon ardiente i nan ta toka e arpanan di oro ku mas goso eufóriko.. Dies mil biaha dies mil i miles di miles di bos ta uni huntu pa entoná e kantika di alabansa di e koro poderoso ei.

“I tur kos kreá ku tin den shelu i riba tera i bou di tera i riba laman, i tur kos ku tin den nan, mi a

tende ta bisa: ‘Na Esun ku ta sinta riba trono, i na e Lamchi, sea bendishon i onor i gloria i dominio pa semper i semper..’”⁷

E gran konflikto a kaba. Piká i pekadónan no t’ei mas. Henter e universo ta puru. Den henter e inmensidat di kreashon ta bati e pulso úniko ei di harmonia i alegria. For di Esun ku a krea tur kos, bida, lus i goso ta flui dor di tur parti di e espasio sin límite ei. For di e atòm di mas chikitu te na e mundu di mas grandi, tur kos, ku bida i sin bida, ta deklará ku Dios ta amor.

¹ Hebreonan 11:14-16

² Isaías 62:3; Revelashon 21:11 i 24; Isaías 65:19; Revelashon 21:3

³ Revelashon 22:5


⁴ Revelashon 21:22

⁵ 1 Korintonan 13:12

⁶ Efesionan 3:15

⁷ Revelashon 5:13

E artikulo aki ta un ekstrakto di kapitulo 42, “E Fin di e Kontroversia,” di E Gran Kontroversia, skirbí pa Ellen White. Adventistanan di Shete Dia ta kere ku Ellen White (1827-1915) a ehersé e don bibliko di profesia pa mas ku 70 aña di ministerio públiko.



Beibel

Kantikanan

*Un enkuentro personal
ku bo kreador i
Salbador Hesu-Kristu*

Sabatskol

Matutina

Estudio di Beibel

**Bishita Joycita-ADV.nl
Pa Bo Rekursionan Bibliko na
Papiamentu.**



**Tradusi pa
Joycita-adv.nl**

Siman di orashon 2025